

SAMÞYKKTIR

fyrir Tryggingarsjóð sparisjóða.

1. gr.

Tryggingarsjóður sparisjóða (hér eftir nefndur Tryggingarsjóður) er sjálfseignarstofnun. Sjóðurinn er stofnaður á grundvelli laga nr. 87/1985, um sparisjóði.

Allir sparisjóðir skulu vera aðilar að Tryggingarsjóði. Heimili hans og varnarþing er í Reykjavík.

2. gr.

Tryggingarsjóður hefur það meginhlutverk að tryggja full skil á innlánsfé við sparisjóð ef bú hans er tekið til gjaldþrotaskipta samkvæmt 1. mgr. 63. gr. laga nr. 87/1985, sbr. 3. mgr. 63. gr. sömu laga, eða endurskipulagningar samkvæmt 65. gr. laga nr. 87/1985 að því leyti sem eignir sjóðsins hrökkva til og mælt er fyrir um í samþykktum þessum.

3. gr.

Til þess að tryggja fjárhagslegt öryggi sparisjóða er Tryggingarsjóði heimilt að tryggja skil á öðrum skuldbindingum sparisjóðs en getið er um í 2. gr. Í þessu skyni er stjórn sjóðsins heimilt:

- a) að veita sparisjóði lán eða yfirtaka vissar eignir sparisjóðs,
- b) að ganga í ábyrgð fyrir sparisjóð,
- c) að bæta sérstakt tap og kostnað sem sparisjóður verður fyrir,
- d) að veita sparisjóði stuðning að öðruleyti á hvern þann hátt og með þeim skilyrðum sem stjórn Tryggingarsjóðs ákveður og samræmist lögum 87/1985 og samþykktum þessum.

4. gr.

Stefnt skal að því að eigið fé Tryggingarsjóðs nemi 1% af heildarinnlánsfé sparisjóða. Í þessu skyni skal hver sparisjóður greiða eigi síðar en 1. mars ár hvert gjald til Tryggingarsjóðs er nemi fyrstu fimm ár starfstíma hans hlutfalli a. m. k. 0,5 ‰ af heildarinnlánsfé um næstu áramót á undan. Aðalfundur Tryggingarsjóðs ákveður þetta hlutfall nánar að fengnu samþykki ráðherra og skal hlutfallið vera hið sama fyrir alla sparisjóði. Þó getur aðalfundur ákveðið að undanþiggja sparisjóð greiðslu árgjalds um tiltekinn tíma. Fyrsta inngreiðsla skal eiga sér stað fyrir 1. mars 1986.

Pegar 1% markinu er náð falla greiðslur til Tryggingarsjóðs niður en verði sjóðurinn minni en svarar 1% af heildarinnlánsfé sparisjóða miðað við næstu áramót á undan skulu greiðslur teknar upp samkvæmt ákvörðun aðalfundar eða aukafundar.

Til þess að Tryggingarsjóður geti þegar í upphafi gegnt hlutverki sínu samkvæmt 2. og 3. gr. skal stjórn Tryggingarsjóðs afla ábyrgðaryfirlýsinga frá sparisjóðum fyrir fjárhæðum en nemi 0,4% af heildarinnlánsfé sbr. 1. mgr. Eftir nánari ákvörðun stjórnar Tryggingarsjóðs skulu sparisjóðirnir leggja fram formlegar tryggingar fyrir ábyrgð sinni. Þegar eigið fé Tryggingarsjóðs nemur meira en 0,6% af heildarinnlánsfé skal hlutfallslega dregið úr ábyrgðum þessum.

5. gr.

Aðalfundur Tryggingarsjóðs fer með æðsta vald í málefnum hans.

Hver sparisjóður fer með atkvæðisrétt á aðalfundi í samræmi við hlutfall innborgaðs ársframlags sparisjóðsins í heildarársframlögum í Tryggingarsjóð síðasta reikningsár fyrir aðalfund. Þó má enginn sparisjóður fara með meira en $\frac{1}{10}$ hluta heildaratkvæðamagns í Tryggingarsjóði. Atkvæðisréttur sparisjóðs skal vera í höndum þess fulltrúa er sparisjóðurinn tilnefnir til þess að fara með atkvæði sjóðsins á aðalfundi.

Árlegur aðalfundur skal haldinn fyrir lok júlímánaðar ár hvert. Aðalfundur skal boðaður með 15 daga fyrirvara hið skemmsta. Aukafundi skal halda ef aðilar Tryggingarsjóðs sem fara með minnst $\frac{1}{3}$ hluta atkvæðamagns í sjóðnum krefjast þess skriflega og greina fundarefni. Þá skal stjórn Tryggingarsjóðs boða til fundar með sama hætti og til aðalfundar. Aukafundi skal annars halda þegar stjórn Tryggingarsjóðs telur þess þörf með þeim fyrirvara sem hún ákveður.

Hver sparisjóður á rétt til að fá ákveðið mál tekið til úrlausnar á aðal- og aukafundum Tryggingarsjóðs ef hann gerir skriflega kröfu um það til stjórnar Tryggingarsjóðs með svo miklum fyrirvara að unnt sé að taka málið á dagskrá fundarins.

Aðalfundur getur ekki tekið endanlega ákvörðun í öðrum málefnum en þeim sem getið er í boðaðri dagskrá.

6. gr.

Formaður stjórnar Tryggingarsjóðs stýrir aðalfundum sjóðsins. Skal hann sjá um að haldin sé gerðabók um það sem gerist á aðalfundum.

Á aðalfundi skal m. a. taka eftirgreind mál fyrir:

- a) skýrslu stjórnar um starfsemi liðins starfsárs,
- b) staðfestingu á endurskoðuðum ársreikningi,
- c) kosningu stjórnar,
- d) þóknun stjórnarmanna,
- e) breytingar á samþykktum Tryggingarsjóðs,
- f) önnur mál.

Afl atkvæða ræður úrslitum á aðalfundi nema öðruvísi sé mælt í samþykktum þessum.

7. gr.

Stjórn Tryggingarsjóðs skipa fimm menn. Fjórir stjórnarmenn ásamt jafnmörgum varamönnum skulu kjörnir á aðalfundi til eins árs í senn, hlutbundinni kosningu ef óskað er. Fimmti stjórnarmaðurinn skal vera forstöðumaður bankaeftirlitsins. Varamaður hans skal vera staðgengill hans í störfum fyrir bankaeftirlitið.

Stjórn Tryggingarsjóðs kys sér formann úr sínum hópi og skiptir með sér verkum að öðru leyti.

Stjórn Tryggingarsjóðs heldur fundi svo oft sem þurfa þykir og hvenær sem stjórnarmaður óskar þess.

Stjórnarfundir eru lögmatir ef meirihluti stjórnarmanna er á fundi. Afl atkvæða ræður úrslitum við afgreiðslu máls. Haldin skal gerðarbók um það sem gerist á stjórnarfundum.

8. gr.

Stjórn Tryggingarsjóðs fer með málefni hans milli aðalfunda.

Verkefni stórnarinnar eru m. a. eftirfarandi:

- a) gera tillögur um árlegt árgjald til Tryggingarsjóðs,
- b) sjá um innheimtu á árlegu gjaldi til Tryggingarsjóðs,
- c) afla ábyrgðaryfirlýsinga frá sparisjóðum,
- d) taka ákvarðanir um ávöxtun á fé sjóðsins,
- e) taka ákvarðanir um greiðslur úr sjóðnum,
- f) semja ársreikning,
- g) ráða löggiltan endurskoðanda,
- h) taka ákvarðanir og veita umsagnir sem Tryggingarsjóði er sérstaklega falið samkv. l. nr. 87/1985,
- i) taka ákvarðanir sem snerta starfsemi Tryggingarsjóðs að öðru leyti en talið er upp í tölu. 1–8 hér að framan.

9. gr.

Ávöxtun eigin fjár Tryggingarsjóðs skal við það miðuð að sjóðurinn verði sem hæfastur til að gegna hlutverki sínu. Að jafnaði skal u. þ. b. helmingur af fé Tryggingarsjóðs vera bundinn í skuldabréfum með ábyrgð ríkissjóðs eða stofnana sem hann ber ótakmarkaða ábyrgð á.

10. gr.

Stjórn Tryggingarsjóðs ákveður í hverju einstöku tilviki þau skilyrði sem sett eru fyrir lánum, yfirtöku eigna, ábyrgðum, bótum v/sérstakra tapa eða kostnaðar sem sparisjóður verður fyrir, innlánnum eða annars konar stuðningi við sparisjóð, sbr. 3. gr.

Sparisjóður er nýtur stuðnings frá Tryggingarsjóði er skuldbundinn til að hlýta skilyrðum varðandi stjórnun og rekstur sparisjóðsins er stjórn Tryggingarsjóðs kann að setja fyrir aðstoð samkvæmt 1. mgr. Þá skal sparisjóðurinn gefa stjórn Tryggingarsjóðs reglubundnar skýrslur um stöðu sparisjóðsins og starfsemi allt samkvæmt nánari ákvörðun stjórnar Tryggingarsjóðs, sbr. 47. gr. l. nr. 87/1985.

11. gr.

Ef bú sparisjóðs er tekið til gjaldþrotaskipta ber skiptaráðanda þegar að staðreyna heildarfjárhæð inneigna viðskiptamanna hans á innlánsreikningum að meðtöldum þeim vöxtum og/eða verðbótum, sem á inneignarfjárhæð hafa fallið á þeim degi sem búið var tekið til skipta. Innlánsreikningar í erlendum gjaldmiðli skulu umreiknaðir til skráðs gengis íslensks gjaldmiðils þess sama dags. Skal skiptaráðandi tilkynna stjórn Tryggingarsjóðs án tafar um heildarfjárhæð þessa.

12. gr.

Sé heildarfjárhæð inneigna, reiknuð samkvæmt 11. gr. minni en nemur $\frac{2}{3}$ hlutum eigna og ábyrgð í eigu Tryggingarsjóðs á þeim degi, sem bú sparisjóðs er tekið til gjaldþrotaskipta, skal Tryggingarsjóður innan tveggja vikna frá því honum berst tilkynning skiptaráðanda stofna sérstakan reikning við Lánastofnun sparisjóðanna eða Seðlabanka Íslands, sem skiptaráðandi hefur ráðstöfunarrétt yfir, og leggja þar inn heildarfjárhæðina.

13. gr.

Nemi heildarfjárhæð inneigna samkvæmt 11. gr. meiru en andvirði $\frac{2}{3}$ hluta eigna og ábyrgða í eigu Tryggingarsjóðs á þeim degi, sem bú sparisjóðs er tekið til gjaldþrotaskipta, ber honum ekki að láta skiptaráðanda hærri fjárhæð af hendi til ráðstöfunar en hlutfalli þessu nemur. Verður Tryggingarsjóður ekki síðar krafinn um frekari greiðslur vegna sparisjóðsins skal skiptaráðandi skipta greiðslu Tryggingarsjóðs hlutfallslega milli eiganda innlánsreikninga þannig að allir fái þeir sama hlutfall inneignar fjárhæðar. Um framkvæmd útborgunar til skiptaráðanda gilda að öðru leyti fyrirmæli 12. gr.

14. gr.

Skiptaráðandi skal greiða eigendum innlánsreikninga inneignarfjárhæð þeirra eða það hlutfall hennar sem greiðsla Tryggingarsjóðs hrekkur til, eigi fyrirmæli 13. gr. við, jafnskjótt og við verður komið eftir að krafa um greiðslu berst. Standi eftir fé á reikningi, sem Tryggingarsjóður stofnar til að hætti 12. gr., að fullgreiddum öðrum kröfum eigenda innlánsreikninga en eftirstæðum kröfum þeirra við búskiptin, skal það renna á ný til Tryggingarsjóðs.

Frá því skiptaráðandi greiðir eiganda innlánsreiknings kröfu hans samkvæmt fyrirmæli um 1. mgr. telst Tryggingarsjóður eigandi kröfunnar á hendur þrotabúi sparisjóðsins að því leyti sem krafan hefur greiðst með þessum hætti.

Hafi greiðsla Tryggingarsjóðs verið með þeim hætti, sem greinir í 13. gr. og hrökkvi eignir þrotabús sparisjóðsins ekki til þess að eigendur innlánsreikninga fái fullnustu krafna sinna á hendur því skal úthlutun sú úr búinu, sem falla ætti í hlut Tryggingarsjóðs vegna fyrirmæla 2. mgr., deilast við úthlutun úr búinu milli eigenda innlánsreikninga að því marki, sem þarf til að fullnægja öðrum kröfum þeirra vegna innlánsreikninga en eftirstæðum kröfum við búskiptin.

15. gr.

Reikningsár Tryggingarsjóðs skal vera almanaksárið. Ársreikning skal semja fyrir hvert reikningsár. Ársreikningur skal gerður samkvæmt lögum og góðri reikningsskilavenju.

Ársreikningur Tryggingarsjóðs skal lagður fyrir endurskoðanda eigi síðar en þremur mánuðum eftir lok reikningsárs. Ársreikningur skal undirritaður af stjórn Tryggingarsjóðs.

16. gr.

Stjórn Tryggingarsjóðs skal ráða löggiltan endurskoðanda til að annast árlega endurskoðun hjá sjóðnum.

17. gr.

Framkvæmdstjóri Sambands sparisjóða hefur á hendi daglegan rekstur Tryggingarsjóðs.

18. gr.

Stjórn Tryggingarsjóðs og starfsmenn eru bundnir þagnarskyldu í samræmi við ákvæði 29. gr. laga nr. 87/1985.

19. gr.

Til breytingar á samþykktum þessum þarf járði þeirra er fara með $\frac{2}{3}$ hluta greiddra atkvæða á aðalfundi. Breytingin tekur ekki gildi fyrr en hún hefur hlotið staðfestingu ráðherra.

20. gr.

Samþykktir þessar, sem eru settar af stofnfundi Tryggingarsjóðs sparisjóða samkvæmt heimild í 56. gr. laga nr. 87/1985, staðfestast hér með og öðlast þegar gildi.

Viðskiptaráðuneytið, 4. febrúar 1986.

Matthías Bjarnason.

Björn Líndal.

REGLUR

um úthlutun styrkja úr Rannsóknasjóði til að stuðla að nýsköpun í atvinnulífinu.

Í fjárlögum fyrir árið 1986, á lið 02-233, eru veittar 50 milljónir króna til Rannsóknasjóðs. Fé þessu verður varið til að styrkja rannsóknir og tilraunir í þágu nýsköpunar í atvinnulífinu.

Að fengnum tillögum framkvæmdanefndar Rannsóknaráðs ríkisins eru hér með settar eftirfarandi reglur um úthlutun styrkja úr Rannsóknasjóði 1986:

1. Framkvæmdanefnd Rannsóknaráðs ríkisins gerir tillögur til menntamálaráðherra um úthlutun styrkja.